

Sarajevo, 22-07-2024

Broj: 73-044-26226

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl.novine FBiH br. 73/13), član 24. stav 1. Pravilnika o javnim nabavkama Kliničkog centra Univerziteta u Sarajevu (65-04-2-4654 od 01.02.2023. godine) na prijedlog Komisije za javnu nabavku Izvještaj br. 10-33-4-25465-4 od 22.07.2024. godine, V.D. Generalnog direktora donosi:

### **ODLUKU**

o izboru najpovoljnijeg ponuđača za  
**„Pružanje usluga obezbjeđenja centralnog Internet linka za potrebe KCUS-a“**

#### **I**

**Prihvata se prijedlog Komisije**, po Izvještaju br. 10-33-4-2125465-4 od 22.07.2024. godine nakon provedenog konkurentskog zahtjeva objavljenog na portalu e-nabavke dana 25.06.2024. godine pod brojem obavještenja 893-7-2-241-3-503/24 i okvirni sporazum dodjeljuje najpovoljnijem ponuđaču:

#### **LOGOSOFT d.o.o. Sarajevo**

**„Pružanje usluga obezbjeđenja centralnog Internet linka za potrebe KCUS-a“**

Jedinična cijena 1.666,66 KM bez PDV-a x 12 mjeseci = 19.999,92 KM bez PDV-a

Ukupna vrijednost okvirnog sporazuma: 19.999,92 KM bez PDV-a + 3.999,98 iznos PDV-a = 23.399,91 sa PDV-om

- Cijene su nepromjenjive za cijeli ugovoreni period i izražene u KM bez PDV-a.
- Uslovi plaćanja: odgođeno plaćanje 60 (šezdeset) dana od izvršenih usluga i ispostavljanja fakture.
- Okvirni sporazum se zaključuje na period od 12 mjeseci. Pružalac usluga se obavezuje da će fakturisanje usluga vršiti na mjesečnom nivou - pretplata po jediničnim cijenama dostavljenim u ponudi (Aneks 2) koja je sastavni dio ovog okvirnog sporazuma.

#### **II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 (tri) mjeseca računajući od momenta predaje ponude.

#### **III**

Ova odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

### **OBRAZLOŽENJE**

U skladu sa Odlukom KCUS-a broj: 58-11-7-22590-1 od 21.06.2024. godine, putem konkurentskog zahtjeva pokrenut je postupak javne nabavke za „Pružanje usluga obezbjeđenja centralnog Internet linka za potrebe KCUS-a“. Procijenjena vrijednost nabavke iznosi 20.000,00 KM bez PDV-a. Predviđeno je zaključivanje okvirnog sporazuma na period od 12 mjeseci. Nabavka je planirana Planom javnih nabavki za 2024. god. pod kategorijom „usluge“ redni br. 10. (Odluka o usvajanju Plana javnih nabavki Kliničkog centra Univerziteta u Sarajevu za 2024. godinu, broj: 58/24 br. protokola 65-04-4-3780 od 30.01.2024. godine).

Ugovorni organ je 25.06.2024.godine objavio tendersku dokumentaciju pod brojem 893-7-2-241-3-503/24 na portalu e-nabavke koju je preuzelo 9 (devet) potencijalnih ponuđača: EKAPIJA d.o.o.; PRO INTER ITSS d.o.o. Banja Luka ; BBS EUROPE; ROAMING NETWORKS d.o.o.; LOGOSOFT d.o.o.; PRO INTER ITSS d.o.o. Sarajevo; TELEMACH d.o.o.; JP HRVATSKE TELEKOMUNIKACIJE d.d. i BH TELECOM d.d.

*Umiro Janko*

Do krajnjeg roka za dostavljanje ponuda 09,30 sati dana 16.07.2024. godine na Protokol Kliničkog centra Univerziteta u Sarajevu zaprimljene su 2 (dvije) ponude ponuđača i to:

PODACI IZ PONUDE	1.	2.
Naziv ponuđača	BH TELECOM d.d. Sarajevo	LOGOSOFT d.o.o. Sarajevo
Broj i datum ponude (što je evidentirano zapisnikom o zaprimanju ponuda br. 10-33-4-25465 od 16.07.2024. godine)	10-11-3-25293 od 15.07.2024. u 10:15	10-11-3-25407 od 15.07.2024. u 15:05
Cijena ponude bez PDV-a (KM)	29.998,00	19.999,92

Komisija imenovana Odlukom broj: 58-04-4-24835 od 10.07.2024. godine izvršila detaljnu analizu i ocjenu ponuda i Zapisnikom o pregledu i ocjeni ponuda br. 10-33-4-25465-3 od 22.07.2024.godine konstatovala sljedeće:

- Pregledom dostavljene ponude ponuđača BH TELECOM d.d. Komisija je konstatovala sljedeće:

Na obrascu Aneks 2-obrazac za cijenu ponude ustanovljena je računska greška u iznosu ukupne cijene ponude koja ne iznosi 29.998,00 kako je upisano na obrascu već iznosi 19.998,00 KM bez PDV-a.

Na Certifikatu ISO/IEC27001:2013 koji je prihvaćen kao ekvivalent u toku postupka nabavke stoji da važi od 2021-03-09 do 2024-03-08.

Na osnovu navedenog Komisija je dana 17.07.2024.godine ponuđaču BH TELECOM uputila Zahtjev za saglasnost za ispravljenu računsku grešku i pojašnjenje važenja dostavljenog Certifikata br.10-33-4-25465/2.

Ponuđač je u datom vremenskom ruku dana 17.07.2024.godine dopisom br.08-22-62723/24-01 dostavio saglasnost za ispravljenu računsku grešku i pojašnjenje da je Certifikatu dostavljenom uz ponudu kojem je istekla važnost 08.03.2024.godine, ali u prilogu pojašnjenja ponuđač je dostavio novi Certifikat ISO/IEC 27001:2022.

Tenderskom dokumentacijom tačka 6.1. Izmjena, dopuna i povlačenje ponuda jasno je definisano: „Do isteka roka za prijem ponuda, ponuđač može svoju ponudu izmjeniti ili dopuniti i to da u posebnoj kovrti, na isti način navede sve podatke sadržane u tački 5.1 tenderske dokumentacije, i to:

KLINIČKI CENTAR UNIVERZITETA U SARAJEVU

Bolnička 25, 71.000 Sarajevo

„Ponuda se dostavlja za izbor najpovoljnijeg ponuđača za „Pružanje usluga obezbjeđenja centralnog Internet linka za potrebe KCUS-a“

(Navedi na šta se odnosi dostavljena izmjenjena/dopunjena ponuda) IZMJENA/DOPUNA PONUDE „NE OTVARAJ-OTVARA KOMISIJA“

Na zadnjoj strani omotnice ponuđač je dužan da navede sljedeće:

Naziv i adresa ponuđača

Ponuđač može do isteka roka za prijem ponuda odustati od svoje ponude, na način da dostavi pisanu izjavu da odustaje od ponude, uz obavezno navođenje predmeta nabavke i broja nabavke, i to najkasnije do roka za prijem ponuda.

**Ponuda se ne može mijenjati, dopunjavati, niti povući nakon isteka roka za prijem ponuda“.**

Obzirom da je ponuđač BH TELECOM d.d. dostavio sasvim novi dokument za Tehničku i profesionalnu sposobnost traženu tačkom m) Certifikat ISO/IEC 27001:2022 Komisija u skladu sa odredbama ZJN i tenderskom dokumentacijom isti nije prihvatila .

Na osnovu gore navedenog Komisija je konstatovala da ponuda ponuđača BH TELECOM d.d. Sarajevo ne ispunjava formalno pravne i tehničke zahtjeve, postavljene tenderskom dokumentacijom, pa je nepravilna i ne može učestvovati u daljem toku natjecanja.

- Pregledom dostavljene ponude ponuđača LOGOSOFT d.o.o. Sarajevo Komisija je konstatovala da ista ispunjava formalno pravne, tehničke i suštinske zahtjeve, a što se vidi iz tabelarnih prikaza, gdje je dostavljena ponuda ocijenjena kao prihvatljiva, pa može biti predmet vrednovanja i može učestvovati u daljem toku natjecanja.

*Mina Jelenc* *Amir*

7. Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, te se postupak okončava u skladu sa članom 69. stav 1 pod a) ZJN.

Uzimajući u obzir naprijed navedno, Komisija Zapisnikom o pregledu i ocjeni ponuda br.10-33-4-25465-3 od 22.07.2024.godine i Izvještajem br. 10-33-4-25465-4 od 22.07.2024. godine predlaže da se okvirni sporazum za „Usluge obezbjeđenja centralnog Internet linka za potrebe KCUS-a” dodijeli ponuđaču LOGOSOFT d.o.o. Sarajevo.

Prijedlog Komisije je prihvaćen i donosi se odluka kao u dispozitivu.



V.D. GENERALNOG DIREKTORA

Prof.dr Hajrija Maksić

**POUKA O PRAVNOM LIJEKU:** Protiv ove Odluke može se izjaviti žalba najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

Mirza Tešić      Anđelko